



# Халқ сўзи

Ўзбекистон — келажаги буюк давлат

2021 йил — Ёшларни қўллаб-қувватлаш ва аҳоли саломатлигини мустақамлаш йили

1991 йил 1 январдан чиқа бошлаган • WWW.XS.UZ • E-mail: Info@xs.uz • 2021 йил 19 декабрь, № 271 (8051) Яқшанба

Сайтимида ўтиш учун QR-кодни телефонингиз орқали сканер қилинг.



## ЎЗБЕКИСТОН ПРЕЗИДЕНТИ ШАВКАТ МИРЗИЙОЕВ ЖАНУБИЙ КОРЕЯ ИШБИЛАРМОН ДОИРАЛАРИ ВАКИЛЛАРИ БИЛАН УЧРАШДИ



O'ZBEKISTON RESPUBLIKASI PREZIDENTI SHAVKAT MIRZIYOYEV JANABI OLIYLARINING KOREYA RESPUBLIKASI ISHBILARMON DOIRALARI VAKILLARI BILAN UCHRASHUVI

한-우즈베키스탄 비즈니스 라운드 테이블



Ўзбекистон Республикаси Президенти Шавкат Мирзиёев  
Корея Республикаси Президенти Мун Чжэ Иннинг таклифига биноан  
16-18 декабрь кунлари давлат ташрифи билан Жанубий Кореяда бўлди.

Давлатимиз раҳбари ташриф доирасида Сеул шаҳрида Корея Республикасининг етакчи компаниялари ва молиявий тузилмалари раҳбарлари билан учрашув ўтказди. Тадбирда Корея Республикаси

савдо, саноат ва энергетика вазирлиги Мун Син Ук, Корея халқаро савдо уюшмаси раиси Кристофер Ку, Корея Эксимбанки, Корея халқаро ҳамкорлик агентлиги (KOICA), «SK Ecomplant», «Pocso», «Samsung», «SK Nexilis»,

«Youngone», «KIA Motors», «K-water», «KT-Net» ва кўплаб бошқа компаниялар раҳбарлари иштирок этди. Хорижий ташрифлар чоғида бундай учрашувлар ўтказиш яхши анъанага айланган. Хусусан, Ўзбе-

кистон Президенти 2017 йилда Корея Республикасига амалга оширган давлат ташрифи доирасида йирик бизнес форуми ўтказилган эди. 2019 йилда эса давлат раҳбарлари Тошкентдаги қўшма бизнес форумида иштирок этди-

лар. Ушбу тадбирлар натижасида ишбилармонлар ўртасида ишонч кучайди, савдо-иқтисодий ва инвестициявий шериклик фаоллашди. Натижада кўплаб лойиҳалар ишга туширилди. Мамлакатимиз иқтисодиётининг барча соҳаларига бозор механизмларини жорий қилиш борасидаги жиддий янгиланишлар амалга оширилаётгани ҳам ҳамкорликнинг кенгайтиришига хизмат қилмоқда. Биргаликда бизнес юритишга халал берган тўсиқлар бартараф этилди.

— Мамлакатимизда бошланган ўзгаришлар ортага қайтмайди, — деди Шавкат Мирзиёев. — Янги Ўзбекистон стратегиясида мамлакатимизда тадбиркорлар учун энг қулай шароитлар яратиш, хорижий бизнес фаолиятини кенгайтириш ишларини давом эттириш кўзда тутилган. Ўзбекистоннинг ишончли дўсти ва алоҳида стратегик шериги — Корея Республикаси билан барқарор, ишончга асосланган ва жадал ривожланиб бораётган ҳамкорликни қадрлаймиз.

Икки давлат ўртасида, шу жумладан, савдо-иқтисодий ва инвестиция соҳаларида тизимли алоқалар йўлга қўйилган. Махсус ишчи гуруҳ фаолият юритмоқда. Ўзбекистон Республикаси Инвестициялар ва ташқи савдо вазирлигида Корея Республикаси билан икки томонлама ҳамкорликни ривожлантириш учун масъул алоҳида департамент тузилган.

Бундай эътибор ва тизимли ишлар натижасида икки мамлакат ўртасидаги муносабатлар мисли кўрилмаган юқори даражага кўтарилди. Товар айирбошлаш икки баробарга ортиб, 2,2 миллиард долларни ташкил этди. Ўзбекистон иқтисодиётида Кореядан йўналтирилган тўғридан-тўғри инвестициялар ҳажми 7 миллиард доллардан ошди. Кейинги беш йилда

мамлакатимизда Корея сармояси иштирокидаги корхоналар сони икки баробар кўпайди. Бугун улар мингтадан ортиқ. Кореялик компаниялар билан биргаликда Ўзбекистонда умумий қиймати 9 миллиард доллардан зиёд 52 та инвестиция лойиҳаси амалга оширилмоқда.

Давлатимиз раҳбари Корея компанияларини биргаликда янги, кенг кўламли ташаббусларни ишлаб чиқишга қарор қилди.

Жанубий Корея ишбилармон доиралари вакиллари Ўзбекистонда фаол тадбиркорлик учун яратилган шароитларни юксак баҳолади ва инвестицион ҳамкорликни ривожлантиришга катта қизиқиш билдирди.

Учрашувда Корея компаниялари билан ҳамкорликда рақамлаштириш, «яшил энергетика», машина-созлик, қишлоқ хўжалиги, тўқимачилик саноати, фармацевтика, геология соҳалари ва бошқа кўплаб йўналишларда умумий қиймати 5 миллиард доллардан ортиқ 40 та янги лойиҳани амалга ошириш масалалари муҳокама қилинди.

Президент Шавкат Мирзиёев бу режаларни маъқуллаб, мутасаддиларга аниқ муддатларини белгиланган ҳолда тегишли «Йўл харитаси»ни ишлаб чиқиш ва қабул қилиш бўйича топшириқ берди.

— Бош мақсадимиз — Корея бизнеси Ўзбекистонда қулай муҳитни ҳис этиб фаолият юритсин, — деди Шавкат Мирзиёев.

Президентимиз Корея компаниялари раҳбарларини Ўзбекистонга келиш ва у ерда хорижий инвесторлар учун яратилган қулай шароитлардан фойдаланишга таклиф этди.

Шу билан Ўзбекистон Президентининг Корея Республикасига давлат ташрифи якунланди.

Ў.А.

Ўзбекистон Республикаси Президенти Ламбурт хизмати сурати.

## ЎЗБЕКИСТОН ВА КОРЕЯ RESPUBLIKASI RAHBARLARINING SIYOSIY IRODASI IKKI MAMLAKAT ALOQALARINI YENI BOSQICHGA OLIB CHIKDI

Ўзбекистон Республикаси Президенти Шавкат Мирзиёевнинг Корея Республикасига давлат ташрифи, мазкур тарихий воқеа доирасида имзоланган ҳужжатлар ва эришилган келишувларнинг мазмун-моҳияти ҳамда аҳамияти халқаро экспертлар томонидан фаол кузатиб борилмоқда.

### Дунё нигоҳи

Адем Кула, Иқтисодий ҳамкорлик ташкилоти Савдо-саноат палатаси бош котиб:



— Ўзбекистон ва Корея Республикаси раҳбарларининг сиёсий иродаси икки мамлакат алоқаларини янги босқичга олиб чиқди. Икки мамлакат ўртасида алоҳида стратегик шериклик муносабатларини чуқурлаштириш тўғрисидаги қўшма баёнот қабул қилинганини қайд этишни истардим.

Ўзбекистон Президентининг Корея Республикасига ташрифи чоғида қатор ҳужжатлар тасдиқланди. Бунга Соғлиқни сақлаш соҳасида ҳуқуқларнинг битим, Корея халқаро ҳамкорлик агентлиги билан 2022 — 2024 йилларга мўлжалланган ҳамкорлик дастури, Ташқи ишлар вазирликлари ўртасида 2022 — 2024 йилларга мўлжалланган ҳамкорлик дас-

тури, шунингдек, энергетика соҳасида ўзаро мулоқот ўрнатиш, «ақли шаҳар»ларни ривожлантириш, Иқтисодий тараққиётга қўмаклашиш жамғармаси орқали молиялаштириш, нодир металллар, мис ва уларнинг қотишмаларига оид меморандумлари имзоланди.

Ўзбекистон ва Корея Республикаси АКТни ривожлантириш ва ундан фойдаланиш бўйича ҳамкорликда қатор ютуқларга эришганига қарамай, ахборот технологиялари ва «ақли» қишлоқ хўжалиги соҳаларида ҳамкорлик меморандумининг имзоланиши ўз вақтида амалга оширилган ва долзарб воқеадир.

Ўзбекистон раҳбари бугунги кунда узоқ муддатга мўлжалланган амалий шерикликнинг устувор йўналишларини қайта кўриб чиқишни замон талаби эканини алоҳида урғулади. Ухшаш менталитет, анъаналар ва маънавий қадриятларга эга икки мамлакат ўртасидаги ҳамкорлик жаҳон иқтисодиётининг бугунги чақирқиларига тўлиқ жавоб бериши лозим.



Алан Ламбал, «ASIE-21» наشري эксперти (Франция):

— Ўзбекистон Президентининг Корея Республикасига давлат ташрифи мамлакат ташқи сиёсатининг кўп қирралиги тасдиғидир. Ташриф чоғида олий даражадаги музокаралар бўлиб ўтди ва салмоқли ҳужжатлар тўплами имзоланди.

Ўзбекистоннинг Корея Республикаси билан ҳамкорлиги мамлакатнинг иқтисодий ва саноат ривожланишида муҳим аҳамиятга эга. Корея Республикаси аҳоли жон бошига тўғри келадиган даромад даражаси юқори бўлган иқтисодиёти ривожланган давлатдир. Мамлакатда енгил ва оғир саноат, истеъмол товарлари ишлаб чиқариш, юқори технологиялар ва бошқа етакчи тармоқлар тарққий этган.

Ўз навбатида, Сеул ҳам улкан иқтисодий ва инсон ре-

сурслари салоҳиятига, қулай географик жойлашув ва йирик бозорга эга бўлган Ўзбекистон билан муносабатларни чуқурлаштиришдан манфаатдор. Томонлар бир-бирига савдо-сотиқ ҳажмини ошириш, иқтисодиётни ривожлантириш ва мамлакатни модернизация қилиш бўйича амалий чора-тадбирларни таклиф этишга қодир ва тайёр.

Шу билан бирга, Ўзбекистон мамлакат иқтисодиётини ривожлантиришда Корея Республикаси тажрибасини амалда қўллаётганини таъкидлаш лозим. Ўтмишда Корея Республикаси иқтисодиётини ривожлантиришни жадаллаштиришнинг энг муҳим омил хорижий инвестицияларни жалб қилиш, экспорт қўламини юксалтириш ва иқтисодиётни саноатлаштиришга қаратилган ҳаракатлари бўлди. Давлат жамиятнинг иқтисодий ҳаётида муҳим роль ўйнади.

Ўзбекистон иқтисодиётига йўналтирилган Корея Республикаси инвестициялари ҳажми 7 миллиард доллардан ошгани мамлакатга бўлган ишонч даражаси ва тўғри белгиланган инвестиция сиёсатидан далолат беради.



### Муносабат

## СЕРҚИРРА ҲАМКОРЛИКНИ ЮКСАК ДАРАЖАДА ҚАДРЛАЙМИЗ

Адҳам ИКРОМОВ, Ўзбекистон Республикаси Савдо-саноат палатаси раиси:

— Ўзбекистон Корея Республикаси билан стратегик шериклик ва серқирра ҳамкорлик муносабатларини юксак қадрлайди. Вақт ўтиши билан ўз исботини топган ушбу самарали ҳамкорликнинг асосини олий даражадаги мунтазам мулоқот, икки давлат раҳбарлари ўртасидаги тўла ўзаро англашув ва ишончли муносабатлар ташкил этди.

Президентимизнинг Корея

Республикаси ташрифи, шубҳасиз, мамлакатларимиз ўртасидаги кўп қиррали ҳамкорликнинг барча соҳасида ҳамкорликни кенг кўламли кенгайтириш учун мустақам асос яратди.

Ўзбекистон — Корея тўқимачилик технопарки ва Қишлоқ хўжалиги машинасозлиги марказининг қўшма юқори технологик лойиҳалари савдо-иқтисодий, молиявий ва сармоя-

вий ҳамкорлик соҳасида мисли кўрилмаган ривожланишга хизмат қилди.

Сармоявий ҳамкорлик ҳақида сўз юритар эканмиз, Ўзбекистон иқтисодиётига киритилган Корея инвестициялари ҳажми 7 миллиард доллардан ошганини қайд этиш лозим. Бу йил 320 млн. доллар ўзлаштирилди. Бу 20 фоизга кўп ва асосан, кимё, нефть-кимё, тўқимачилик, қурилиш саноати ва қишлоқ хўжалигида қўшма лойиҳаларни амалга оширишга йўналтирилмоқда.

Бугунги кунда мамлакатимизда 857 та Корея корхонаси фаолият кўрсатаётган бўлса, уларнинг 388 таси тўлиқ хорижий капитал иштирокидаги, 459 таси қўшма корхонадир. Корея компаниялари республикаимизда жуда фаол. Улар иштирокида Ўзбекистоннинг барча ҳудудиди нафақат йирик лойиҳалар, балки кичик ва хусусий бизнес соҳасидаги лойиҳалар ҳам амалга оширилмоқда.



## СТРАТЕГИК ШЕРИКЛИК МУНОСАБАТЛАРИНИ ЯНАДА МУСТАҚАМЛАЙДИГАН ТАРИХИЙ ТАШРИФ

Президентимиз Шавкат Мирзиёевнинг Корея Республикасига қилган расмий ташрифи икки мамлакат учун катта аҳамиятга эга бўлди. Бинобарин, ташриф асосида ўтказилган тантанали маросимлар, турли учрашувлар, суҳбат ва мулоқотлар, имзоланган ҳужжатлар ҳар икки халқ келажаги учун хизмат қиладиган даражадаги тарихий жараён ҳисобланади.

Аслида, ўзбек ва корейс халқларини асрлар давомида қарор топган қадимий дўстлик ришталари боғлаб туради. Чунинчи, бугунги замонавий Самарқанд ҳудудиди жойлашган қўшма Афросиёб шаҳри деворларида VII асрда Кореянинг Когурё сулоласи элчилари ташрифи акс этган суратлар сақланиб қолган. Бугунги кунда Ўзбекистон ҳамда Жанубий Корея муносабатлари турли соҳаларга оид 180 дан ортиқ шартнома ва битимлар негизда изчил тарақ-

қий топиб борапти. Стратегик шериклик тўғрисидаги қўшма декларация (2006 йил), Стратегик шерикликни янада ривожлантириш ва чуқурлаштириш тўғрисидаги қўшма декларация (2014 йил), Алоҳида стратегик шериклик тўғрисида қўшма декларация (2019 йил) сингари муҳим ҳужжатлар сиёсий, савдо-иқтисодий, инвестициявий ҳамда маданий-гуманитар соҳаларда икки томонлама муносабатларни сифат жиҳатидан янги босқичга кўтариш имконини

берди. Стратегик шерикликнинг бугунги натижаларига олий даражада икки томонлама мулоқотлар жадал олиб берилгани сабабли эришилди, десак, янглишмаймиз. Дипломатик муносабатлар ўрнатилганидан бери мамлакатларимиз ўртасида давлат раҳбарлари даражасида 20 дан зиёд учрашувлар бўлиб ўтди. Сўнгги йилларда ушбу мулоқот янада фаоллашгани кўзга яққол ташланмоқда.

Умуман олганда, Ўзбекистон ва Жанубий Кореянинг ишончли шериклик муносабатлари тенг ҳуқуқлилик ҳамда кўп қиррали ҳамкорлик асосида узоқ истиқболли хусусий касб этган. Уларни қатор йўналишларда алоҳида кўрсатиб ўтиш мумкин.





# Ўзбекистон ЕОИИ билан самарали ҳамкорликни йўлга қўйишдан манфаатдор

Евроосиё иқтисодий иттифоқи (ЕОИИ) 2014 йилда Россия Федерацияси, Беларус Республикаси ва Қозоғистон Республикаси ўртасида тузилган шартнома асосида ташкил этилган халқаро ташкилот ҳисобланади. 2020 йил декабрда мамлакатимиз ЕОИИда қузатувчи мақомига эга бўлди.

## Нуктаи назар

Евроосиё иқтисодий иттифоқи мамлакатлари географик жойлашуви ва тарихий алоқалар нуктаи назаридан Ўзбекистоннинг ўзаро манфаатли савдо шериклари ҳисобланади. Кейинги йилларда эса юртимизнинг ташкилотга аъзо давлатлар билан товар айирбошлаш ҳамми сезиларли даражада фаоллашди.



кат махсулотларини қузатиб бориш каби таомилларни ўз ичига олади. Бундай ёндашув янги транспорт йўлақларини яратиш масаласи билан боғлиқ.

Умуман олганда, қузатувчи мақомига эга бўлиш Ўзбекистон учун ўз салоҳиятини амалга ошириш, биринчи навбатда, иқтисодиёт соҳасидаги салоҳиятини ишга солиш имконини беради. 2021 йил 10 декабрда Олий Евроосиё иқтисодий кенгашининг видеоконференция шаклида ўтказилган йиғилишининг якунлари ҳам катта аҳамиятга эга бўлди. Онлайн-анжуманида Ўзбекистон Республикаси Президенти Шавкат Мирзиёев ҳам иштирок этди.

Саммитда ЕОИИ доирасида ўзаро ҳамкорликни янада ривожлантириш ва интеграция жараёнини кучайтириш, жумладан, иқтисодиёт, савдо, санат, транспорт, божхона маъмуричилиги, рақамлаштириш ва бошқа йўналишларда ўзаро амалий ҳамкорлик масалалари муҳокама қилинди.

Шу ўринда давлатимиз раҳбарининг Ўзбекистоннинг қузатувчи мамлакат сифатида ЕОИИдаги иштирокининг бир йиллик даври давомида

тузилмаган турли органлари, энг аввало, Евроосиё иқтисодий комиссияси (ЕИК) билан уч йиллик Тадбирлар режаси қондаларини бажариш доирасида бажарилган ишлар тўғрисидаги сўзларини алоҳида қайд этиш лозим.

Миллий қонунчиликни ЕОИИ меъёрлари билан, биринчи навбатда, ташқи савдонинг стандартлаштириш ва тарифсиз бошқариш чоралари соҳасида илчил яқинлаштириш устида иш олиб борилмоқда. Ўзбекистон "COVID19 саёҳат" платформасига қўшилди. Демак, Евроосиё тараққиёт банкига қўшилши жараёни бошланди.

Хозирги замон хатарларига қарамадан, мураккаб шартномага мослашув ва янги "ўсиш нукталари" топши имкони туғилмоқда. Масалан, Ўзбекистоннинг ташкилот мамлакатлари билан савдо айланмаси 2021 йил бошидан 30 фоизга ортди. Бунда 2019 йил билан солиштирилганда савдо 11 фоизга ошган.

Ўз навбатида, партияимз глобал иқлим ўзгаришларини ҳисобга олган ҳолда, "яшил" энергетика лойиҳаларини амалга ошириш, шунингдек, IT соҳасида тажриба алмашиш ва ишбилармонлик ҳамкорлигини ривожлантириш йўналишида бирлашиш жараёнини давом эттириш ва кенгайтиришни муҳим, деб ҳисоблайди.

ЎзЛиДеП қузатувчи давлатларнинг долзарб ташаббуслар ва кооперация дастурларини Евроосиё иқтисодий иттифоқи доирасида амалга оширишга фаол жалб этиш йўлида ҳаракат қилади.

Партияимзининг қарашлари ва мақсадларини умумлаштирган ҳолда айтиш лозимки, ЎзЛиДеП Евроосиё иқтисодий иттифоқи мамлакатлари билан ўзаро ҳамкорликни чуқурлаштириш тарафдоридир. Шу муносабат билан, Евроосиё иқтисодий иттифоқининг 2021 йил декабрдаги йиғилишида Президентимиз томонидан илгари сурилган долзарб масалаларни ҳал қилиш устувор аҳамият касб этади.

Биринчидан, ўзаро савдодаги тўсиқлар ва чекловларни бартараф этиш, ЕОИИ мамлакатлари билан савдо айланмасини орттириш учун янада мақбул шартноларни яратиш бўйича ёндашув ва механизмларни бир-галликда ишлаб чиқиш масалаларининг муҳимлиги.

Иккинчидан, тизимли асосда саноат кооперацияси ва ўзаро ҳаракатни, шу жумладан, Ўзбекистоннинг мазкур тузилма доирасида Индуриаллаштириш онлайн харитасини яратишда иштироки йўли билан ҳам чуқурлаштириш зарурияти.

Учинчидан, янги транспорт йўлақларини яратишга қаратилган лойиҳаларни фаол илгари суриш керакки, бу ЕОИИ мамлакатларининг транзит салоҳиятини орттиришга ёрдам беради.

Шу нуктаи назардан, Ўзбекистоннинг ЕОИИ доирасида турли тўсиқ ва чекловларни аниқлаш ва бартараф қилиш жараёнидаги иштироки, фикримизча, миллий тадбиркорлар учун мақбул шартнолар яратиш ва республиканинг экспорт салоҳиятини кенгайтиришга хизмат қилади. Энг муҳими, ЕОИИ ҳуқуқига мувофиқ муҳофизат меъёрларини мувофиқлаштириш ва техник тартибга солиш натижасида яратилган қўшимча афзалликлар ЕОИИ мамлакатлари қишлоқ хўжалиги махсулотлари ва озиқ-овдат товарларини етказиб беришни йўлига тахминан 30 фоизга ошириш имконини беради.

Шунингдек, Ўзбекистон учун учинчи давлатларга мева-сабзавот махсулотларини экспорт қилишни ошириш бўйича янги имкониятлар пайдо бўлади, шу тўғрисида махсулотлар экспорти прогнозларга қўра, уч баробар ортиши мумкин.

ЕОИИ аъзо мамлакатларининг транспорт соҳасидаги қамчилиқлари қамалиши, тарифсиз тўсиқларни оптималлаштириш ва ўларнинг давлат харидларида иштироки эҳтимоли ҳисобига мамлакатнинг текстиль-трико-

таж саноати соҳасидаги экспорт салоҳияти анча ортиши мумкин. Ушбу бозор сизими тахминан 12,9 млрд. долларга баҳоланмоқда, Ўзбекистоннинг ундаги иштироки эса буғунги кунда турли таҳлилларга қўра, бор-йўғи 1,6 млрд. долларни ташкил этмоқда.

Сир эмаски, Ўзбекистон иқтисодиётининг фаол ривожланаётган соҳалари ЕОИИнинг устувор соҳалари сирасига қиради. Хусусан, булар автомобилсозлик, енгил, кимё, нефть-кимё саноатлари, пластмасса махсулотлари ишлаб чиқариш ва шу қабилардир.

Сўнги йилларда Ўзбекистонда саноатни ривожлантириш, шу билан бирга, ҳам ашё экспортини қисқартириш ва юқори қўшилган қийматли махсулотлар ишлаб чиқаришни диверсификация қилиш сиёсатини параллель равишда илгари суришга аҳамият берилмоқда. Мисол учун, 2018 йилдан бошлаб ўзбек пахтасини экспорт қилиш қисқартирилмоқда, ўрта муддатли истиқболда табиий газни чет давлатларга экспорт қилишни тугатиш кўзда тутилган.

Аммо юқори қўшилган қийматга эга бўлган махсулотларни саноат ишлаб чиқаришини ривожлантириш дунё бозоридан шафқатсиз рақобат билан ўқнашмоқда. Шунинг учун истиқболда Ўзбекистоннинг ЕОИИ билан ҳамкорлиги, фикримизча, Ўзбекистон ва шу ташкилот мамлакатлари учун минтақаларо ишлаб чиқариш заңжирини кенгайтириш, махсулот сифати бўйича халқаро стандартларга эришиш, экспортга йўналтирилган янги ишлаб чиқаришни шакллантириш, ишлаб чиқариш қувватларининг янада самарали бўлишини таъминлаш бўйича янги имкониятлар эшигини очади.

Қисқача айтганда, юқори қўшилган қийматга эга бўлган товарларни ишлаб чиқариш ҳажмлари ва номенклатурасини кенгайтириш, сифатни янада яхшилаш ва ҳаражатларни қамайтириш йўналишида Ўзбекистоннинг ЕОИИ аъзо мамлакатлари билан ўзаро ҳаракати мамлакатимиз саноат қорхоналари рақобатбардорлигини ошириш имконини беради. Бу эса Янги Ўзбекистонни ривожлантириш стратегияси ислохотларининг талаблари ва эҳтиёжларига тўлиқ мувофиқ қелади.

**Акрам ҲАЙТОВ,**  
**Олий Махлис Қонунчилик палатаси Спикери ўринбосари.**

# ХОТИН-ҚИЗЛАР ҲУҚУҚЛАРИ ҲИМОЯСИ ДОИМИЙ НАЗОРАТИМИЗДА

Ривожланган давлатлар тажрибасидан маълумки, қаерда хотин-қизлар тадбиркорлиги кенг ривожланган бўлса, уша жойда тараққиёт ва фаровонлик қузатилади. Шу сабаб ҳам кейинги йилларда мамлакатимизда хотин-қизлар тадбиркорлигини қўллаб-қувватлаш, улар ўз салоҳиятини юзага чиқариши учун зарур шарт-шароитлар яратишга алоҳида эътибор қаратиб келинмоқда.

## Мушоҳада

Ана шу жараёнда парламент юқори палатаси Хотин-қизлар ва гендер тенглик масалалари қўмитасининг мунай-хиссаи борлигини таъкидлаш жоиз. Қўни кеча бўлиб ўтган Олий Махлис Сенатининг йиғирма иккинчи ялпи мажлисида қўмитамизнинг 2020 йил ва 2021 йилнинг ўтган давридаги фаолияти тўғрисидаги масала қўриб чиқилганда ҳам бу алоҳида эътибор эътиди.



пугатлари маҳаллий Кенгашларининг Ёшлар сиёсати, хотин-қизлар ва гендер тенглик масалалари бўйича доимий комиссиялари раислари билан фаол мулоқот қилиб келмоқдамиз.

Хисоботда келтирилганидек, ушбу даврда қўмига аъзолари томонидан салмоқли ишлар бажарилган. Бу ўринда биз мавжуд алоқдор бўлган айрим жиҳатлар ҳақидагина тўхтамоқчимиз.

Масалан, назорат-таҳлил фаолиятини олиб кўрайлик. Ушбу йўналишда 22 та тадбир ўтказилган. Жумладан, хотин-қизлар ва эркаклар учун тенг ҳуқуқ ва имконият қаролатлари, аёлларга нисбатан таъзим ва ўзвонлиқнинг олдини олишга оид қонунларнинг жойлардаги ижроси юзасидан 4 мартаба, опа-сингилларининг меҳнат ҳуқуқини таъминлаш, ҳар томонлама қўллаб-қувватлаш ва улар тадбиркорлигини ривожлантириш бўйича 7 та ўрганми олиб борилади. Муҳими, мазкур ўрганмилар давомида аниқланган муаммолар тизимли равишда ҳал этилаётди.

Хотин-қизлар ҳуқуқлари ва манфаатларини ҳимоя қилиш ҳақида сўз бораркан, "Ўзбекистон тараққиётида парламентдаги аёлларнинг роли" мавзуда хотин-қизлар форумини ўтказиш мунтазам йўлга қўйилганини ҳам айтиш зарур. Зеро, мазкур тадбир асосида хотин-қизлар ҳуқуқлари ва манфаатларини ҳимоя қилиш йўналишида олиб борилаётган кенг қўламли ислохотлар, эришилган натижалар баробарида, ечимини қутаётган масалалар ҳам қўра таҳлил қилинмоқда. Бу амалда қандай самара бераётгани эса барчага маълум.

Табиийки, ушбу саъй-ҳаракатларни муваффақиятли амалга оширишда ҳамкорлар қўмағига суянамиз. Хусусан, фаолиятимиз давомида Ўзбекистон Республикаси Гендер тенгликни таъминлаш масалалари бўйича комиссияси, Республика Хотин-қизлар жамоатчилиги кенгаши ҳамда давлат ва жамоат ташкилотлари, шунингдек, жамоатчилик билан ҳамкорлик қилиб келяпмиз. Жойларда эса халқ де-

Малика ҚОДИРХОНОВА,  
Олий Махлис Сенатининг Хотин-қизлар ва гендер тенглик масалалари қўмитаси раиси.

# МАМЛАКАТИМИЗНИНГ ЭКСПОРТ ИМКОНИЯТЛАРИНИ ЯНАДА КЕНГАЙТИРИШГА ХИЗМАТ ҚИЛАДИ

Юртимизда ишбилармонлик муҳитини янада тақомиллаштириш ҳамда қорхоналар, кичик ва ўрта бизнес субъектларининг экспорт салоҳиятини кенгайтиришга алоҳида эътибор қаратиб келинмоқда. Зеро, қайси давлатда мазкур йўналиш ривожланса, уша жойда тараққиёт қузатилади, энг муҳими, аҳоли фаровонлиқка эришади.

## Фикр

Шу сабаб ҳам яқинда бўлиб ўтган Олий Махлис Сенатининг йиғирма иккинчи ялпи мажлисида сенаторлар томонидан экспорт ҳажмининг барқарор ўсишини таъминлаш, унинг номенклатурасини диверсификациялаш бўйича кўрилатган чора-тадбирлар тўғрисида Вазирлар Маҳкамасига парламент сўрови юбориш тўғрисидаги масала қуқур таҳлилдан ўтказилди.



Ўтказилган ўрганишлар давомида аниқланган муаммолар омилилар ҳам борки, бу бизни ташвишга солмасдан қолдирмайди. Хусусан, инвестиция фаолияти ва экспорт субъектларини қўллаб-қувватлаш соҳасидаги ҳужжатлар тез-тез ўзгариб туриши ишбилармонлар фаолиятида қўйинчиликларни келтириб чиқармоқда. Қолаверса, экспортчиларга суғурта муқофотини компенсациялаш, савдо йўналирини очиш ва сақлаб туриш, офис, савдо ва омонхоналарни ижарага бериш, хорижда реклама фаолияти билан боғлиқ ҳаражатларни қоллаш механизмлари талаб даражасида ишламаётгани ҳам сир эмас.

Шу асосда Вазирлар Маҳкамасига парламент сўрови юборилмоқда. Бу саъй-ҳаракатлар пировардида мамлакатимизнинг экспорт имкониятларини янада кенгайтиришга хизмат қилади.

**Равшанбек АЛИМОВ,**  
Олий Махлис Сенатининг Халқаро муносабатлар, ташқи иқтисодий алоқалар, хорижий инвестициялар ва туризм масалалари қўмитаси раиси.

# БОЛА ПАРВАРИШЛАШ ДАВРИ МЕҲНАТ СТАЖИГА ҚЎШИЛАДИМИ?

Олий Махлис Қонунчилик палатаси Меҳнат ва ижтимоий масалалар қўмитасининг кенгайтирилган йиғилиши бўлиб ўтди.

## Қонун лойиҳаси — муҳокамада

Тегишли соҳа вакиллари, депутатлар, вазирилик ва идора вакиллари иштирокида бўлиб ўтган йиғилишда "Фуқароларнинг давлат пенсия таъминоти тўғрисида"ги Ўзбекистон Республикаси Қонунига ҳамда Ўзбекистон Республикасининг Меҳнат кодексига ўзгариш ва қўшимчалар киритиш ҳақида"ги қонун лойиҳаси қузғин муҳокама қилинди.

Қайд этилганидек, амалдаги қонунчиликка мувофиқ боқувчи-

сини йўқотганлик пенсияси қарамонидида шахсларга улар 16 ёшга тўлгунга қадар, ўқувчи бўлсалар 18 ёшга тўлгунга қадар тўланади. Фуқаро 18 ёшга тўланганда, қўпинча олийгоҳга ўқишга қиради. Табиийки, у ўқиш билан банд бўлган даврда таъминотсиз қолиб кетади.

Ушбу қонун лойиҳасида "Фуқароларнинг давлат пенсия таъминоти тўғрисида"ги Қонунга бир қатор ўзгариш ва қўшимчалар киритиш назарда

тутилмоқда. Хусусан, боқувчисини йўқотганлик пенсияси тўловларини марҳумнинг фарзандларига, улар 18 ёшгача, агар умумий ўрта таълим муассасаси, академик лицей ва олий таълим муассасасида ўқётган бўлса 23 ёшга тўлгунга қадар тўлаш, ногиронлиги боғлиқдан бўлган болаларга 18 ёшгача қараган даврини иш стажига қўшиб ҳисоблаш белгиланмоқда.

Шунингдек, болани парваридлаш вақтининг ҳаммаси жамланганда қўпи билан 6 йиллик даврни иш стажига қўшиб ҳисоблаш, республика ҳудудида карантинли ва инсон учун хавфли бўлган бошқа юқумли касалликлар тарқалиши таҳди-

ди мавжуд бўлган даврда амал қилиб турган вақтда пенсия олиш ҳуқуқи вужудга келган фуқаролар, ушбу тадбирлар (чекловлар) даврида ёки тугагандан сўнг бир ой ичида пенсия тайинлашни сўраб мурожаат қилган тақдирда, уларга пенсия уни олиш ҳуқуқи пайдо бўлган санадан тайинлаш тақлиф этиляпти.

Қизгин муҳокамада бой бўлган мазкур йиғилишда иштирокчилар томонидан ишчи гуруҳ аъзоларига лойиҳани янада тақомиллаштириш бўйича бир қатор тақлифлар берилди, қўллаб-қувватлаш ўртага ташланди ва уларга атрофлича жавоблар олинди.

«Халқ сўзи».

# ҲОКИМЛАР БУ ЙИЛГИ НАТИЖАЛАР ВА ИСТИҚБОЛДАГИ ВАЗИФАЛАР ЮЗАСИДАН МУРОЖААТ ЙЎЛЛАМОҚДА

Шу қўнларда маҳаллий Кенгашлар сессиялари ўтказилиб, ҳокимлар 2021 йилда амалга оширилган асосий ишлар якуни ҳамда 2022 йилда ҳудудни комплекс ривожлантириш, аҳоли ҳаётини яхшилаш бўйича энг муҳим йўналиш ва вазифалар юзасидан муурожаат қилмоқда.

## Маҳаллий Кенгашларда

Хусусан, Самарқанд вилояти ҳокими Эркинжон Турдимовнинг таъкидлашича, жорий йилда вилоятда ялпи ҳудудий махсулот ҳажми ўтган йилнинг мос давридаги нисбатан 9,4, саноат махсулотлари ҳажми 8,2, хизматлар қўрсатиш 25,6, қишлоқ хўжалиги махсулотлари ҳажми 4,1, қурилиш-пудрат ишлари 14,3 фоизга ўсиши қўрилмоқда. Бунинг натижасида, аҳоли жон боғиша саноат махсулотлари 5,4, хизматлар 4,9 ва қишлоқ хўжалиги махсулотлари 9,6 миллион сўмини ташкил этади.

Саноат махсулотларини ишлаб чиқаришда "Ургут" эркин иқтисодий зонаси ва кичик саноат зоналарининг ўрни катта. Бугунги кунда "Ургут" ЭИЗнинг янги 14 та филиали ва 88 та кичик саноат зонаси ташкил этилди. Улар томонидан жорий йилнинг 1 декабрь ҳолатига умумий қиймати 286 миллион доллар бўлган 60 та лойиҳа ишга туширилди, 4 минг 700 дан ортқ янги иш ўринлари яратилган ва 11 ой давомида 2 триллион 20 миллиард сўмлик махсулот ишлаб чиқарилган.

Саноат махсулотлари ишлаб чиқаришни кенгайтириш, янги лойиҳаларни амалга ошириш ҳисобига 402 миллион доллар миқдоридида махсулотлар экспорт қилирилган. Муҳими, Ямайка, Колумбия, Қатар, Македония, Бангладеш ва Ливан

давлатларига экспорт қилиш йўлга қўйилган. "Темир дафтар", "аёллар дафтари" ва "ёшлар дафтари"га киритилган 8,1 минг нафар ишсиз фуқарони касбга тайёрлаш, қайта тайёрлаш ва уларнинг малакасини ошириш учун 13,2 миллиард сўм маблағ йўналтирилган.

Мақтабача таълимни ривожлантириш борасида бошланган ишлар натижасида жорий йилда вилоятда 1 минг 121 та давлат, нодавлат, оилавий ва 15 та давлат-хусусий шериклик асосидаги боғчалар ташкил этилди. Йил якунига қадар болаларни мактабгача таълим билан қамраб олиш 68,9 фоизга етказилди.

Жорий йилда 902 та мактабда 446 миллиард сўмлик маблағлар эвазига қурилиш-таъмирлаш ишлари олиб борилади. Айни чоғда олис ҳудудлардаги 63 та мактабнинг янги филиаллари қурилади. Бу яқин 30 йил ичида бўлмаган.

Олий таълим муассасалари ва уларнинг филиалларида 63 минг 338 нафар талаба тахсил олмақда. Бу ўтган беш йилликка нисбатан 5 карра кўпдир. Хозирги кунда 17,1 минг ўринли тураржойга эҳтиёж мавжуд. Шу боис келгуси йилда давлат-хусусий шериклик асосида қўллаб-қувватлаш тараққийоти қурилади. Вилоятда яна бир драйвер соҳа,

бу хизматлардир. Йил якуни билан хизматлар ҳажми 19,5 триллион сўмга ёки 125,6 фоизга ўсиши таъминланди. 2022 йилда қўшимча лойиҳалар ҳисобидан хизматлар ҳажмининг 28 триллион сўмга, ўсиш суръатини эса қарийб 150 фоизга етказиш белгиланган. Қиймати 1 триллион 394 миллион сўмлик майдони 347 минг квадрат метр бўлган 7 та йирик савдо хизмат кўрсатиш комплекси ташкил этиляпти.

Мурожаатда Самарқанд шаҳрини яшаш учун қўлай ва жозибдор "миллионли яшил шаҳар"га айлантириш учун амалий иш бошлангани ҳам таъкидланди. Бунинг учун Самарқанд, Пастдарғом, Оқдарё ва Тайлоқ туманлари ҳудудида 18 минг гектар майдон шаҳар таркибига қўшилмоқда.

Ўз навбатида, келгуси йилда бажариладиган устувор вазифалар ҳам батафсил келтириб ўтилади.

\*\*\*

Навоий вилояти ҳокими вазифасини бажарувчи Нормат Турсуновнинг мурожаатида давлатимиз раҳбари ташаббуси асосида ишлаб чиқилган Ҳаракатлар стратегияси доирасида жорий йилда бажарилган ишлар, Янги Ўзбекистон тараққиёт стратегиясидан келиб чиқиб амалга ошириладиган вазифалар таҳлил қилиб берилади.

Таъкидландики, вилоятда 2021 йил иқтимоий-иқтисодий ривожланишининг асосий макротиқтисодий кўрсаткичлари бўйича ўсиш суръати сақланиб қолиши қўрилмоқда. Хусусан, Йил якуни билан ялпи ҳудудий махсулот 106,2, саноат махсулотлари ишлаб чиқариш қарийб 107, қишлоқ хўжалиги махсулотлари 103,7, қурилиш-пудрат ишлари 103,2, хизматлар ҳажми 120,9 фоизга ўсиши, аҳоли жон бо-

шига эса саноат махсулотлари ишлаб чиқариш 2020 йилдаги нисбатан 4,5 миллион сўмга ошиб, 66,3 миллион сўми ташкил этиши қўрилмоқда. Шунингдек, 18 минг 680 та янги иш ўринлари яратилиб, бандлик дастурининг ижроси 105 фоизга бажарилди.

Вилоятни иқтимоий-иқтисодий ривожлантириш дастурига асосан, жами қиймати 3088,9 миллиард сўмлик 1 минг 15 та лойиҳа бажарилиб, 183,3 миллион долларлик хорижий инвестиция ўзлаштирилди. Бу 2020 йилдаги нисбатан 109 фоизга ўсди, дегандир.

Мурожаатда аҳоли қайфиятини белгилловчи ички йўллар созилиги, ичимлик суви, табиий газ, электр энергияси таъминоти масалаларига ҳам тўхталиб ўтилди. Жорий йилда 756 км. ички йўллар таъмирланиб, 14 фоиз ички йўлларнинг аҳоли яшайланган, 232 км. ичимлик суви тармоғи тортилган, 986,7 км. тармоқ ва 210 донна трансформатор пунктлари реконструкция ва модернизация қилиниши натижасида 17 миңдан зиёд оила, 1,5 миңдан ортқ тадбиркорлик субъектлари ҳамда 400 дан кўп иқтимоий соҳа муассасаларининг электр таъминоти яхшилланган.

Шунингдек, жорий йилда 3 минг 629 хонадонли қўп қаватли уйлар қурилиб, 15 минг нафардан зиёд аҳоли уй-жой билан таъминланди. Иқтимоий соҳа инфратузилмасини яхшилаш максатидида йил давомида жами 363 та объектда, жумладан, 13 та МТТ, 224 та мактаб, 13 та тиббиёт ҳамда 113 та бошқа иқтимоий соҳа муассасаларида қурилиш, таъмирлаш ишлари бажарилиб, мактабгача таълим ташкилотлари сони 1 минг 151 га, вилоят бўйича қамров даражаси 87,2 фоизга етказилди. Мурожаатда вилоятнинг

2022 — 2026 йилларга мўлжалланган асосий вазифа ва мақсадли параметрлари дастуриламал бўлишини таъкидланди.

Унга қўра, Навоий шаҳрида янги массив барпо этилиб, 4 минг хонадонга мўлжалланган қўп қаватли уйлар, мактаб, боғча ва бошқа иқтимоий объектлар қурилади. Зарафшон шаҳри ҳудуди кенгайтирилиб, қўшимча 30 минг аҳоли яшаш учун замонавий инфратузилмага эга Саноатчилар шаҳарчаси барпо этилади. Бошқа туманларда 14 минг хонадонли 400 та қўп қаватли уй-жойлар қурилади.

Вилоятда йирик саноат қорхоналарига суяниб қолишга бошқичма-бошқич барҳам берилиб, имкониятдан самарали фойдаланган ҳолда, маҳаллий саноат ҳада ривожлантирилади. Айни мақсадда келгуси беш йилда вилоятда 15 миллиард долларлик 2,2 мингта инвестиция лойиҳаси амалга оширилиб, 75 миңга янги иш ўрни яратилади.

Мурожаатда яқин истиқболдаги устувор йўналишларга тўхталиб ўтилди. Унда қишлоқ хўжалиги йўналишида кластерлар фаолиятини қўллаб-қувватлаш, келгуси йилда уларнинг сони 42 тадан 50 га етказиш ва 3,5 миңга янги иш ўринлари ташкил этиш, аҳолига ер майдонлари ажратилиш, бунда биринчи навбатда, "темир дафтар", "аёллар дафтари" ва "ёшлар дафтари" да рўйхатда турган эҳтиёжманд оилага устуворлик қаратиш орқали уларнинг бандлигини таъминлаш муҳим вазифа эканлиги таъкидланди.

Шунингдек, бошқа долзарб вазифалар ҳам келтириб ўтилди.

Абдулазиз ЙЎЛДОШЕВ,  
Темир ЭШБОЕВ.  
(«Халқ сўзи»).

Мулоҳаза

Бугунги кунда ҳам халқро ва минтақавий моҳирлар давом этиб, экстремизм ва терроризмга қарши самарали курашиш масаласи ўз долзарблигини йўқотгани йўқ. Халқро террорчилик ташкилотлари диний ақидалар ниқоби остида ёшларни зўравонликка, миллий ўзлигини, маданий-маърифий ва оилавий қадриятларини йўқотишга ундаш йўли билан жамиятда зўравонлик қарашларини тарқатиши давом эттирмоқда.

«ЎЗБЕКИСТОННИНГ ТАЖРИБАСИ БОШҚА ДАВЛАТЛАР УЧУН НАМУНАДИР»

Австралиянинг Сидней иқтисодий ва тинчлик университетининг сўнги 2020 йилги "Глобал терроризм индекси" маълумотларига кўра, 2019 йилнинг ўзида жаҳоннинг 63 мамлакатда терроризм ҳолатлари кайд этилган ва уларнинг қўбонлари 13 минг 826 кишини ташкил этган. Шу билан бирга, ана шу террорчилик ҳолатларининг оқибати 16,4 миллиард АҚШ доллари йўқотилишига олиб келган.

Экспертларнинг фикрича, терроризм кўпчилик мамлакатлар учун хос бўлган жиддий ижтимоий-иқтисодий омиллар билан боғлиқ.

Шунинг учун экстремизм ва терроризмнинг олдини олиш ҳамда бундай ҳолатларга чек қўйиш, уларни молиялаштириш манбаларига барҳам беришга қаратилган янада самарали чора-тадбирларни белгилаш, бу борада миллий ва халқаро даражада сай-ҳаракатларни бирлаштириш талаб этилади.

Оммавий ахборот воситаларида кенг ёритилганидек, Бирлашган Миллатлар Ташкилотининг Терроризмга қарши курашиш шартотида инсон ҳуқуқлари ва асосий эркинликларини рағбатлантириш ва ҳимоя қилиш бўйича махсус маърузачиси Фионнуала Ни Аолэйн 10 кун давомида мамлакатимизнинг инсон ҳуқуқларини ҳимоя қилиш, замонавий хатар ва таҳдидларга қарши кураш тажрибаси билан батафсил танишди.

Махсус маърузачи ташрифнинг якунида давлатимиз раҳбари Шавкат Мирзиёев билан учрашувда Ўзбекистоннинг ўз фуқароларини моҳирлар ҳудудидан Ватанга қайтариш борасидаги ўзига хос тажрибаси барча давлатлар учун намуна бўла олишини алоҳида мамнуният билан таъкидлади.

Ўзбекистон БМТнинг Терроризмга қарши глобал стратегиясини қўллаб-қувватлаган ҳамда терроризм ва диний экстремизм билан курашиш бўйича 14 та халқаро конвенция ва протоколни ратификация қилган.

Мамлакатимизда "Терроризмга қарши кураш тўғрисида", "Экстремизмга қарши курашиш тўғрисида", "Жиноий фаолиятдан олинган даромадларни легаллаштиришга ва терроризмни молиялаштиришга қарши курашиш тўғрисида"ги Қонунлар қабул қилинган. Ўзбекистон Республикаси Президентининг 2021 йил 1 июлдаги Фармони билан 2021 — 2026 йилларга мўлжалланган экстремизм ва терроризмга қарши курашиш бўйича Ўзбекистон Республикаси Миллий стратегияси тасдиқланди.

Ушбу Стратегия конституциявий тузумни ҳимоя қилиш, миллий ҳавфсизлик, шунингдек, фуқароларнинг ушбу соҳадаги ҳуқуқлари ва эркинликларини таъминлашга имкон берадиган экстремизм ва терроризмга қарши курашиш бўйича самарали ва бир вақтнинг ўзида мувофиқлаштирилган давлат сиёсатини амалга оширилишини таъминлаш мақсадини кўзлайтириб, бунга эришиш вазифалари сифатида экстремизм ва терроризмга қарши курашишнинг норматив-ҳуқуқий ва услубий-амалий асосларини такомиллаштириш, ушбу соҳадаги давлат органлари фаолиятининг устувор йўналишларини белгилаб бериш, бундай ҳолатларга қарши курашишда барчанинг ҳаракатини бирлаштириш, минтақавий ва халқаро ҳамкорликни такомиллаштириш зарурлиги кўрсатилган.

Ўзбекистондаги Ислом цивилизацияси маркази, Халқаро ислом академияси, Имом ал-Бухорий, Имом ат-Термизий ва Мотуридий халқаро илмий-тадқиқот марказлари экстремизм ва терроризм соҳасига қарши курашда салмоқли ҳисса қўшмоқда.

ШХТ мамлакатлари Давлат раҳбарлари кенгашининг 18-сессиясида Президентимиз ташаббуси билан ушбу ташкилот давлатлари раҳбарларининг ёшларга қўшма мурожаати ва уни амалга ошириш бўйича Ҳаракатлар дастури ёшлар ўртасида экстремизм ва терроризм мафқурасига қарши барқарор иммунитетни шакллантириш йўлидаги муҳим қадамлардан бири бўлди. Мамлакатимизда ёшларни маънавий-ахлоқий ҳамда жисмонан баркамол этиб тарбиялаш ва ўқитиш дастури ишлаб чиқилган ва у изчил амалга оширилмоқда.

Кейинги тўрт йил давомида экстремизм ва терроризмга алоқадорлиги сабабли озодликдан маҳрум қилиш тарзидаги жазони ўтаётган, қилмишидан чин қингилдан пушаймон бўлиб, тузалиш йўлига ўтган 2 мингдан ортиқ шахслар афс этилди ва 1,5 мингдан зиёд шахслар жазони ўташ жойларидан озод қилинди. Авваллари радикал диний оқимларнинг тарафдорлари деб ҳисобланган ёки уларнинг таъсири остида тушиб қолган 20 мингдан ортиқ шахслар ҳуқуқни муҳофаза қилиш идоралари ҳисобидан чиқарилди.

Бевосита Президентимиз ташаббуси билан Халқаро Қизил Хоч Қўмитаси ва БМТнинг Болалар жамғармаси билан ҳамкорликда 2019 — 2021 йилларда "Меҳр-1", "Меҳр-2", "Меҳр-3" "Меҳр-4" ва "Меҳр-5" дастурлари доирасида Афғонистон, Сурия ва Ироқдан халқаро террорчилик ташкилотлари сафига адишиб қўшилиб қолган 400 нафар хотин-қиз ва болалар Ўзбекистонга қайтарилиб, уларнинг ижтимоий мослашуви ва реинтеграцияси учун ҳар томонлама ёрдам кўрсатилди.

Махсус маърузачи Ўзбекистоннинг "Меҳр" дастурлари доирасида ўз фуқароларини мамлакатга қайтариш, реабилитация ва реинтеграция қилиш борасидаги сай-ҳаракатларини, айниқса, юксак баҳолади.

"Ўзбекистонда қўлланилган ва оила ҳамда ҳамжамиятга асосланган репатриация модели — илгор тажриба намунаси бўлиб, боланинг энг яхши манфатларини таъминлаш ҳамда моҳирлар ҳудудидан олиб чиқилган аёлларнинг жамиятга тўлақонли қайта интеграциялашга хизмат қилади, — деди Фионнуала Ни Аолэйн. — Бу мамлакатимизнинг сиёсий, ҳуқуқий ва ижтимоий фаолиятининг устувор йўналиши сифатида кўрилаётганидан мамнунман".

Эркин ЭРНАЗАРОВ, Ўзбекистонда хизмат кўрсатган журналист.

Молия муассасаларида

АҲОЛИ БАНДЛИГИНИ ТАЪМИНЛАШНИНГ ЎЗИГА ХОС ЕЧИМИ

Давлатимиз раҳбари Андижон вилоятига ташрифи давомида ишсизлар сони кўп ҳамда шароити оғир маҳалларда лидер тадбиркорларни аниқлаб, уларнинг лойиҳаларини молиявий қўллаб-қувватлаш орқали уйда ўтирган хотин-қизлар бандлигини таъминлашга доир муҳим таклифни илгари сўрган эди.

Бу борадаги вазифалар Президентимизнинг 2021 йил 5 августдаги "Маҳалларда тадбиркорликни янада қўллаб-қувватлаш ва тадбиркорлик субъектлари билан аҳоли ўртасида кооперацияни ривожлантиришнинг қўшимча чора-тадбирлари тўғрисида"ги қарори билан аниқ белгилаб берилди.



Бугунги кунда маҳаллабай ишлаш тизими асосида ижтимоий-иқтисодий ривожланишдан ортда қолаётган, ишсизлик даражаси юқори бўлган маҳалларда тадбиркорликни янада қўллаб-қувватлаш ва тадбиркорлик субъектлари ҳамда хонадонлар ўртасида иқтисодий кооперацияни кенгайтириш мақсадида қабул қилинган қарор ижроси таъминланмоқда.

Мазкур жараёнда "Қишлоқ қурилиш банк" АТБ ҳам фаол иштирок этмоқда.

Хусусан, Хўжаобод туманидаги "Қурама" маҳалла фуқаролар йиғинида янги иш ўринлари яратиш мақсадида трикотаж маҳсулотлари ишлаб чиқариш дастгоҳлари сотиб олиш лойиҳаси банкнинг тегишли филиали томонидан молиявий қўллаб-қувватланди. Ушбу маҳаллада жойлашган "Anvar Lider Tex" масъулияти чекланган жамиятига юқоридagi мақсадлар учун 2 миллиард сўм миқдорда кредит ажратилди.

Ўз навбатида, қорхона томонидан маҳалладаги 50 та хонадонга тикув машиналари тарқатилди. Айни пайтда турли сабабларга кўра ишлаш олмайдиган, аммо меҳнатга лаёқатли шунча хотин-қиз учун оила шароитида қўшимча даромад қилиш имконияти яратилди.

Санамоий Каримова Хўжаобод туманидаги "Қурама" МФЙ, Узумзор кўчасида истикомат қилади. Ёш бўлиб бўлгани боис мунтазам равишда қорхонага қатнаб ишлаш имконияти мавжуд эмас. "Лидер тадбиркор" лойиҳаси Санамоий каби аёлларнинг рўзгорига барака олиб кирмоқда.

Корхонамизда мавсумий кийим-кечақлар тайёрланади. Айни пайтда эркаслар либослари тикилмоқда. Тикувчиларнинг ўртача маоши 2,5-3 миллион сўмни ташкил этади.

Айни пайтда Россия, Украина ҳамда Қозғоғистонга ойига 40 минг дона маҳсулот экспорт қилинмоқда. Қисқа вақт ичида 230 минг АҚШ доллари тенг маҳсулот экспорт қилинди. Бу кўрсаткични иш якунига қадар 400 минг АҚШ долларига етказиш режа қилинган.

Умуман, фаолиятимизни янада кенгайтириш устида иш олиб бораётиб, Келгусида "Қурама" МФЙ ҳудудида янги иш оинишот фойдаланишига топширилади. Бу яна 300 та иш ўрни яратиш имкониятини беради.

Барча лойиҳаларимизни ҳаётга татбиқ қилишда "Қишлоқ қурилиш банк" АТБнинг Хўжаобод филиали томонидан кўрсатилаётган молиявий қўллаб-қувватлаш муҳим ўрин тутмоқда.

Санамоий КАРИМОВА, тикувчи: — Мен аввал ҳам тикувчилик қорхонасида ишлаганман. Тажрибам етарли, аммо турмуш қурганимдан



кейин оилавий шароит тақозоси билан қатнаб ишлаш имконим бўлмади. Шундай кунларнинг бирида қорхона мутасаддилари уймага тикув машинаси олиб келгани, кўндан ўйлаб юрган ниятим амалга ошишига тўртлаб берди. Асосийси, ҳар кунни эрталаб хом ашё тарқатиб кетилади. Уни олиб қолиб, кечгача бежирим кийимлар тикиб, тайёрлаб қўяман. Айни пайтда 1 миллион 200 миңдан ортиқроқ иш ҳақи олдим. Бу лойиҳанинг амалга оширилиши мен каби қўллаб қўшилган, опа-сингилларимнинг қўшимча даромад топишида катта имконият бўлди.

Қувонтирган яна бир жиҳати шуки, бизга берилган тикув машиналари оилка даромадимиздан қисман ушлаб қолиш ҳисобига муайян вақтдан сўнг ўзимизга қоладиган бўлди. Уй ишларидан ортиб, бўш вақтимизда даромад топаётганимиз турмушимиз фаровонлигига ҳисса бўлиб қўшилибди.

Фурсатдан фойдаланиб, давлатимизга биз каби фуқаролар бандлигини таъминлашга қаратаётган эътибори учун миннатдорлик билдирдим.

Умуман, лойиҳа асосида Санамоий каби эллик нафар қасанча ҳамда

қорхона ишчилари томонидан бир кундан 966 дона, бир ойда 24 минг 166 дона, йилига эса 290 минг дона трикотаж маҳсулотлари ишлаб чиқарилади.

Бу хали ҳаммаси эмас. "Лидер тадбиркор" лойиҳаси бўйича туманининг "Тош ота", "Тўраобод", "Фахир-қишлоқ", "Янги Фарғона" маҳалла фуқаролар йиғинларида янги иш ўринларини яратиш мақсадида тикув дастгоҳлари ҳамда хом ашё маҳсулотлари сотиб олиш учун ойлик имтиёзли давр билан, 36 ой муддатга 10 фоиз устама тўлаш шарти асосида жами 8 миллиард (ҳар бир МФЙга 2 млрд. дан) сўм миқдорда кредит маблағлари ажратилди.

Умуман, мазкур банк филиали томонидан лойиҳаларни қўллаб-қувватлаш орқали туман иқтисодий салоҳиятини янада юксалтириш ҳамда аҳоли бандлигини таъминлаш масаласига мунтазам эътибор қаратиб келинмоқда. Қолаверса, аҳолини рози қилиш, ночор оилаларга кўмак кўрсатиш ва уларни ҳар томонлама қўллаб-қувватлаш ҳам доимий эътиборда. Бу, инсон қадрини — янги Ўзбекистон ислохотларининг асоси, деган ҳаётбахш гоғнагек кенг қулоч ёйишига ҳисса бўлиб қўшилиши, шубҳасиз.

Мазкур маблағлар ҳисобидан маҳалла фуқаролар йиғинларининг ҳар бирида 40 тадан жами 160 та иш ўрни яратилди.

Самандар ХОЖИСУЛТОНОВ, Акциядорлик тижорат "Қишлоқ қурилиш банк" Хўжаобод филиали бошқарувчиси:

Филиалнинг жами миқозлари 267 миллион 660 миллион 141 минг сўмни, яъни филиал жами активларининг 93,1 фоизини ташкил этади. Жами кредит қўйимлари 2020 йил 1 январь ҳолати билан солиштирилганда, ушбу даврга нисбатан 75 миллиард 780 миллион 780 минг сўмга кўпайган.

2018-2019 йиллар давомида Президентимизнинг тегишли қарорлари ижроси доирасида "Ҳар бир оила — тадбиркор" дастуридан келиб чиқиб, 837 нафар фуқарога ўз хонадонидо оилавий тадбиркорлик фаолиятини ташкил этиши учун жами 14 миллиард 813 миллион 816 минг сўмлик имтиёзли кредит маблағлари ажратилган. Бунинг натижасида 3 миңдан зиёд фуқароларнинг доимий бандлиги таъминланган.

Банк ахборот хизмати.

Хизматлар лицензияланган.

«МИКРОКРЕДИТБАНК» ТОМОНИДАН ЖОРИЙ ЙИЛДА ҚҮЁНЧИЛИК ТАРМОҒИДАГИ 56 ТА ЛОЙИҲАГА 317,4 МИЛЛАРД СЎМ ЙЎНАЛТИРИЛДИ

"Микрокредитбанк" АТБ республикаимизда қуёнчиликни ривожлантиришга маъсул молия муассасаси ҳисобланади. Шу боис кейинги йилларда банк томонидан мазкур тармоқни қўллаб-қувватлашга қаратилган қўллаб лойиҳалар амалга оширилмоқда. Турли тадбир ва кўрсатмалар уюштирилмоқда. Пойтахтимизнинг "Ботаника" боғида ташкил этилган "Ўзбекистон насли қуёнлар ярмаркаси" шулар сирасида.



Бинобарин, Ўзбекистон Республикаси Ветеринария ва қорвачиликни ривожлантириш давлат қўмитаси, "Микрокредитбанк" акциядорлик тижорат банки ҳамда Ўзбекистон Ветеринария ва қорвадорлар ассоциацияси ҳамкорлигидаги мазкур тадбирда 20 дан ортиқ зотдаги насли қуёнлар намойиш этилиши баробарида, соҳа мутахассислари ўзаро фикр ва тажриба алмашишди.

Таъкидлаш керакки, "Микрокредитбанк" АТБ томонидан жорий йилда қуёнчилик йўналишидаги 56 та лойиҳага умумий қиймати 317,4 млрд. сўм миқдорда маблағ йўналтирилган. Шунинг 200,9 млрд. сўми банк кредитидир.

Бугунги кунда ушбу лойиҳаларнинг 54 тасига 187,3 млрд. сўм кредит шартномалари имзоланиб тўловлар боқсичма-боқсич амалга оширилмоқда. Жумладан, Тошкент вилоятининг Куйи Чирчиқ туманида Италия технологиялари асосида умумий қиймати 30 млн. евро бўлган



(17,0 млн. евро ташаббускорнинг ўз маблағлари, 13 млн. евро банк кредити) йирик Қуёнчилик ва наслилик агрокомплекс барпо этилмоқда. Мазкур лойиҳага "Микрокредитбанк" томонидан миқоз талабига асосан 6,9 млн. евро кредит ажратилган. Мазкур маблағлар насли қуёнлар, қуёнларни интенсив қўлайтиришга мўлжалланган замонавий ускуналар, генератор, қушхона комплекси, қишлоқ ҳўжалиги ва махсус техникалар, озуқа ем маҳсулотлари ва ўғит ишлаб чиқариш ускуналари ҳамда лаборатория жиҳозлари сотиб олишга йўналтирилган.

Шунингдек, италиялик ҳамкорлар томонидан тасдиқланган авиарейслар орқали насли зотдор ота-она қуёнлар етказиб бериш ишларига киришилмоқда. Ҳозиргача Италия давлатидан дастлабки 3000 бошга яқин насли она қуёнлар олиб келиб парвариланмоқда.

Умумий қилиб айтганда, банк томонидан бугунги кунга қадар қуёнчилик соҳасини ривожлантиришга жами 4 773 та миқозга 453,6 млрд. сўм, шундан 416 та юридик шахсларга 361,3 млрд. сўм, 4 357 та жисмоний шахсларга 92,3 млрд. сўм кредит ажратилган. Жорий йилда 1 705 та миқозга 208,9 млрд. сўм, шундан 66 та юридик шахсларга 168,4 млрд. сўм, 1 639 та жисмоний шахсларга 40,5 млрд. сўм йўналтирилган.

Банк ахборот хизмати. Хизматлар лицензияланган.

Ўзбекистон Республикаси Олий ва ўрта махсус таълим вазирлиги ТОШКЕНТ ТЎҚИМАЧИЛИК ВА ЕНГИЛ САНОАТ ИНСТИТУТИ

вакант (бўш) ўринларга профессор-ўқитувчилар лавозимига танлов эълон қилади.

Table with 3 columns: No., Subject, Position. Lists 15 subjects and their corresponding professor/lecturer positions.

Танловда иштирок этишни хоҳловчилар ректор номига ариза, кадрларни ҳисобга олиш бўйича шахсий варақа, дипломлар ва аттестатлар нусхалари, илмий ишлар ва иштироқлар рўйхати, малака оширганлик тўғрисидаги ҳужжатлар нусхаларини топширадидлар.

Манзил: Тошкент шаҳри, Яқкасарой тумани, Шоҳжаҳон кўчаси, 5-уй, 1-бино, 210-хона. Телефон: 71-253-17-78.

Халқ сўзи Народное слово. МУАССИСЛАР: Ўзбекистон Республикаси Олий Мажлиси Қонунчилик палатаси Кенгаши, Ўзбекистон Республикаси Олий Мажлиси Сенати Кенгаши.

Бош муҳаррир Ўткир РАҲМАТОВ. 2020 йил 25 мартда Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлигида 0001-рақам билан рўйхатга олинган. Нашр индекси — 229. Буюртма Г — 1248. 28 151 нусxada босилди, ҳажми — 2 табоқ. Офсет усулида босилган. Қоғоз бичими А—2. Баҳоси келишилган нархда.

ТАХРИРИЯТГА КЕЛГАН ҚЎЁСМАЛАР ТАҚРИЗ ҚИЛИНМАЙДИ ВА МУАЛЛИФГА ҚАЙТАРИЛМАЙДИ. ГАЗЕТАНИНГ ЕТКАЗИБ БЕРИЛИШИ УЧУН ОБУВАНИ РАСМИЙЛАШТИРГАН ТАШКИЛОТ ЖАВОБГАР. ГАЗЕТА ТАХРИРИЯТ КОМПЬЮТЕР МАРКАЗИДА ТЕРМИЛ ҲАМДА ОПЕРАТОР А. ИСМАИЛОВ ТОМОНИДАН САЎДЛАНАДИ. ГАЗЕТАНИНГ ПОЛИГРАФИК ҲАЖАТДАН СИФАТЛИ ЧОП ЭТИЛИШИГА "ШАРҚ" НАШРИЁТ-МАТБАА АКЦИЈАДОРЛИК КОМПАНИЯСИ МАЪСУЛ. БОСМАХОНА ТЕЛЕФОНИ: 71-253-11-07. МАНЗИЛИМИЗ: 100000, Тошкент шаҳри, Матбуотчилик кўчаси, 32-уй. Навбатчи муҳаррир — З. Худойшукуров. Мусаҳҳиҳ — С. Исмолов. "ШАРҚ" НАШРИЁТ-МАТБАА АКЦИЈАДОРЛИК КОМПАНИЯСИ БОСМАХОНАСИ. ҚОРХОНА МАНЗИЛИ: Буюк Турон кўчаси, 41. ЎЗА Якуни — 00.05 Топширилди — 00.15 1 2 3 4 5 6